



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ I. Recitatur intentio ac modus impetrandi Commendam.

urn:nbn:de:hbz:466:1-14268

qui sanè rerum status hodie adeo immutatus, facit, ut parui facienda sint, quæ auctor ille passim sive dicit, sive minatur.

Verbo nihilominus, ut Lectori plenè satisfiat, visum est attingere ea, quæ hoc Commendæ negotium concernunt.

SECTIO PRIMA.

S. I. Recitatur intentio ac modus impetrandi Commendam.

Notum est ex hac tenus dictis, quantis animis D. Archiepiscopus contentat Abbatia Maximilianæ Dominium ad se pertinere illamque in temporalibus æquè ac in spiritualibus sibi subjicere, eiusdem temporalitates, commoda, emolumenta, suis usibus adjicere. At verò quam illud iniuste moliatur, ex dictis quoque patet; nimis autem sciens, quam opportunum ac certum esset medium propositum suum conficiendi, si in Monasterium aliquā authoritatem quacunque viā adipisceretur, occasione de commendâ cogitandi oblatâ, illam seruentissimè arripuit viamque nullam prætermisit, qua ad illam perueniret.

Pendente illa coram Cæsarea Maiestate lite, obierat anno MDCXXIII. mense Octobri Petrus dicti Monasterij quondam Abbas, in eiusque locum, adhibitâ diligentissimâ curâ, fide optima electus erat de Monasterij gremio modernus Abbas D. Agritius à Reckinga, Vir probatissimus, laudatissimus, & omni exceptione maior, de quo, cum sit superstes, nihil aliud dico, quām, quod infensissimi eius aduersarij contra personam aut mores ipsius nihil unquam obijcere potuerunt, nisi illud (magnum nempe crimen) quod Libelli auctor posuit, quod sit patria Luxemburgensis:

Electionem istam apud Sanctam Sedem Apostolicam mox omnibus viribus cœpit D. Archiepiscopus concutere eo fine, ut illa disturbata, Commendam præfata Abbatia impetrare à sancta Sede posset.

Agens itaque illius, Romæ primum criminatus est, confirmationem tardius à sancta Sede petitam, contra dispositionem *cap. cupientes, de electione in 6.*

At certum est confirmationem à sancta Sede post electionem peractam, & processum eius confectum, illico petitam, misso ad manus Nuntij Apostolici Leodium initio Nouembris sequentis, electionis processu, qui illum Romam destinaret, dato insuper mandato agenti Monasterij, ut Romæ confirmationem mox peteret, quod & factum.

Itaque alterum suggestit ad electionem impugnandam: nempe illam non fuisse canoniam ob non seruatam formam & solemnitates Capituli, quia propter de elect. in 6.

Atque ita effecit, ut, priusquam electio in Consistorio Cardinalium examinaretur, an Canonica esset & confirmanda, nullo iudicio habito, nec vñatratâ lite super validitate vel inualiditate electionis, Commendam pridie dominas Februarij anni 1624. obtinuerit.

In illius autem Commendæ petitione celata magnoque silentio prætermisfa fuit lis illa ardua de statu Monasterij coram Cæsarea Maiestate agitata, seruida etiam ista Archiepiscopi ad Monasterium anhelatio, Monasterij item status & conditiones, ac denique omnia, ob quæ Sua Sanctitas dubio procul illius petitioni non annuisset.

Sed

Sed & compertum est, alias persuasions intercessisse, inter quas & hęc erat, quod romę spargerentur D. Archiepiscopi in Augustam Domum Austriacam merita & alia similia, ex quibus Summus Pontifex ad gratiam Principi Electori impertiendam facile (quę eius est benignitas) permoueretur, itaque illam impetravit 4. (vt diximus) Februarij, Anni 1624.

Posteaquam autem illam obtinuisse, longo post tempore, curatum est ab eiusdem Archiepiscopi Agente, ut tum demum prefatae electionis examen, non ad Cardinalium Consistorium (ad quod secundum Lateranensis Concilij decreta discussio illa pertinet) sed ad Rotam Romanam remitteretur.

Vbi solo Archiepiscopi Agente informante, Conuentu, aut Abbatे electo, nullo modo auditō, tandem 20. Nouembris eiusdem Anni 1634. decem pene mensibus post Commendam impetratam, decisio in præiudicium electionis emanauit.

Contra quam decisionem, quędam deinde ab Agente Screnissimę Isabellę Hispaniarum Infantę, Belgij moderatricis & Protectoris vicem gerentis pro validitate electionis repräsentata fuerunt in eodem Rotae Consistorio.

Sed cum iam antea, sola parte altera informante, opinio dicta esset, mutari difficile erat, atque adeo per secundam decisionem 25. Februarij, anni 1635. prior decisio fuit aprobata.

Eiusmodi autem Commendae impetratione & exractione fretus D. Archiepiscopus, per Procuratorem suum qui clam in Monasterij Sancti Maximini templum ingressus fuerat, Abbatę possessionem adire est conatus, & mox iura omnia eiusdem Monasterij atque redditus ac possessiones occupare.

Cui conatus non modo Abbas electus & Conuentus, sed multò maximè Cæsar & Imperium, atque etiam Rex Catholicus, ut Dux Luxemburgensis & hæreditarius Monasterij protector, se Iure optimo opposuerunt; cuius rei rationes aliquas ordine ac breuiter percurremus.

§. 2. Tanguntur rationes nonnullae & fundamenta, cur Imperator & Rex Catholicus Conatibus D. Archiepiscopi obstiterint.

RATIO PRIMA.

ARTICVLVS PRIMVS.

Quia Archiepiscopus (etsi Electio nulla foret) multis nominibus sit ac fuerit incapax Commendae.

Quali sit animo erga Monasterium, dico non solum erga personas modernorum Religiosorum Conuentum constituentium, sed erga ipsum Monasterium istiusque loci Religiosos, in genere docet ipse libellus, nec alio teste opus est. Erupit in illo inueteratum vucus. Videas Monasterium Religiososque ab omnibus retro sculis in libello acerbissime diffamati, iniurijs appetè iniquissimis in omni diffamationum genere laceſſiri, criminum, dolorum, falſitatum, seductionum, artium pessimarum, fraudum, mendaciorum versutiarum, impudentiarum, perfidiarum frontium, malitiarum, pessimarum intentionum, periuriorum, defectionum, rebellionum, ac denique omnium acerbatum, quas maledictus animus eructare queat, calumniis impeti. Sed & ve-